



Sunnfjord
kommune

Forskrift om skulekringsgrenser i Sunnfjord kommune



Innhald

1 Innleiing	3
2 Vedtak i kommunestyret	3
3 Opplæringslova	6
4 Skular i Sunnfjord kommune.....	6
5 Kringsgrenser barneskular og kombinerte skular	7
5.1 Bygstad skule	7
5.2 Førde barneskule	7
5.3 Halbrend skule	8
5.4 Holsen skule.....	8
5.5 Naustdal skule.....	8
5.6 Sande skule	8
5.7 Skei skule.....	9
5.8 Sunde skule	9
5.9 Slåtten skule.....	9
5.10 Vassenden skule	10
5.11 Viksdalen skule.....	10
6 Kringsgrenser ungdomsskular med elevar frå fleire barneskulekrinsar	10
6.1 Førde ungdomsskule	10
6.2 Sande skule	10
7 Vedtak og rutinar for sakshandsaming.....	11
7.1 Ansvar	11
7.2 Arkivere informasjon.....	11
7.3 Første gongs vedtak om skuleplass.....	11
7.4 Vedtak om skuleplass ved anna skule enn nærskulen.....	12
8 Klagehandsaming.....	12

1 Innleiing

Denne forskrifta regulerer kringsgrensene i Sunnfjord kommune. Forskrifta bygger vidare på Fase-1 i vedtak om plan for framtidig bruk av skulane, vedteke i kommunestyret KST-002/21 og vedtak om Kvalitet og kapasitet, vedteke i kommunestyret KST 017/25 og KST-087/25. Forskrifta skal gi oversikt over dei ulike skulane med tilhøyrande inntaksområde. Forskrifta regulerer i tillegg ansvarsområde og sakshandsaming ved avvik frå nærskuleprinsippet.

2 Vedtak i kommunestyret

KST- 002/21 Vedtak:

Skulen i Sunnfjord skal vere ein fagleg sterk skule med høg kvalitet, eit likeverdig fagleg tilbod, eit godt læringsmiljø og berekraftig økonomi. Med bakgrunn i dei utgreiingane som er gjort i plan for framtidig bruk av skulane i Sunnfjord kommune, blir det gjennomført følgjande endringar i skulestrukturen i fase 1 og fase 2. Det er viktig å ivareta grendehusfunksjonen i bygder der skulen vert nedlagt. Kommunen må difor sikre ein god dialog og avtale med dei aktuelle grendelaga så dei gamle skulehusa kan fungere som forsamlingshus og møteplass i bygda. Skuleskyssen for elevane frå Karstad, Frøysland og Vevring må optimaliserast særleg med tanke på dei yngste elevane.

Fase 1

- a. Karstad skule blir lagt ned frå 1.august 2021 og elevane overført til Flatene skule 1-5 og Halbrend 6-10.
- b. Frøysland skule blir lagt ned frå 1.august 2022 og elevane blir overført til Holsen skule.
- c. Vevring skule blir lagt ned frå 1.august 2024 og elevane overført til Naustdal skule med mindre mineralprosjekt i Vevring vert starta opp eller elevtalet gjev grunnlag for vidare drift av skulen. Kommunestyret skal då gjere nytt vedtak. Det skal vidare avklarast om Kinn kommune ynskjer å sende elevar til skulen i Vevring.
- d. Kringsgrensene på Bruland vert endra slik at elevar busett frå bommen ved Brulandsberget og austover vert tilhøyrande Sunde skule. Kringsgrensene vert endra med verknad frå 01.08 2021. Kommunedirektøren kjem tilbake til kommunestyret med konkrete framlegg til overgangsordningar

KST-017/25 Vedtak:

1. Følgjande endringar i skulestrukturen blir gjennomført i Sunnfjord kommune:
 1. Vassenden skule vert samla i eitt skulebygg, frå hausten 2026.
 2. Ungdomstrinnet ved Halbrend skule blir slått saman med Førde ungdomsskule, til ein felles ungdomsskule på Hafstad. Det skal lagast ein plan for overgangen til ny felles ungdomsskule, der representantar frå dei to skulane skal vere med i utarbeidinga. Planen skal leggast

fram for politisk behandling i god tid før handsaming av årsbudsjett for 2026.

3. Førde barneskule blir flytta til FUSK-bygget når bygget er klargjort for barneskule
 4. Elevane ved Flatene skule blir flytta til Halbrend skule, som blir ein skule med elevar frå 1.-7. trinn, når bygget er klargjort for barneskule.
 5. Ungdomstrinnet ved Viksdalen skule blir flytta til Sande skule frå skulestart 2029, med forutsetning av at Sande skule er ferdig ombygd. Dersom skulen får ei elevtalsutvikling som gjev grunnlag for ein berekraftig ungdomsskule, skal saka vurderast på nytt.
 6. Kommunestyret ber om å få ei utgreiing av oppveksttun på Viksdalen skule og Sunde skule.
 7. Vaksenopplæring og integrering skal lokalisert i kommunalt bygg.
2. Det samla ressursnivået i skulen blir redusert med 6,5 millionar kroner i tillegg til reduksjonen på 35 millionar kroner som følgjer av elevtalsnedgangen.
 3. Det skal utarbeidast ein plan for gjennomføring av kvart tiltak. Planen skal ivareta elevar, foreldre og tilsette i arbeidet med nedlegging, overføring og samanslåing av skular. For tilsette blir det utarbeid ein bemanningsplan saman med tillitsvalde og verneombod.
 4. Gjennomføring av tiltak som krev investeringar skal prosjekterast og den samla kostnaden for kvart prosjekt skal vedtakast av kommunestyret før oppstart. Finansiering av tiltaka blir ein del av økonomiplanarbeidet 2026-2030 og årsbudsjettet for 2026.
 5. Klassedelingstalet på 28 elevar i barneskulen og 30 elevar i ungdomsskulen blir oppheva frå hausten 2025 som følgjer av ny ressursmodell i skulen. Opplæringslova sitt krav om forsvarlege grupper blir lagt til grunn for rektor ved samansetjing av klassar/grupper.
 6. Forskrift om kringsgrenser i Sunnfjord kommune blir revidert og sendt ut på høyring hausten 2025.

KST-087/25 Vedtak:

1. Sande skule blir bygd etter dei planane og kostnadane som føreligg, med byggestart i februar 2026
2. Ny felles ungdomsskule blir ombygd etter dei planane og kostnadane som føreligg
 1. Skulen skal vere klar til skulestart i 2026
 2. Det vert tilsett rektor ved den nye felles ungdomsskulen så snart som råd for å sikre gode prosessar og involvering av tilsette, elevar, FAU og andre involverte partar

3. Ramma til uteområdet ved Hafstad ungdomsskule vert utvida med kr. 500.000. Auke i eigenandel vil utløyse spelemidlar til første byggesteg og deler av andre byggesteg, som då kan ferdigstillast. Ferdigstilling av uteområdet på Hafstad skal innarbeidast i økonomiplanen for 2026-2030
3. Halbrend skule blir oppgradert med SFO og uteområde tilpassa ein barneskule frå skulestart 2026, under føresetnad av at ungdomstrinna har flytta
4. Ungdomstrinnet og barnetrinnet ved Vassenden skule blir samla til ein kombinert skule i barneskulebygget frå skulestart 2026
5. Elevråda og elevane må vere tett kopla på i den vidare prosessen og få høve til å kome med innspel. Det er viktig å sikre ein god og trygg overgang. Det forutset tidleg og klar informasjon til elevar, foreldre og tilsette om kva som skal skje
6. Tiltaka blir finansiert innafor ramma på 270 millionar kroner som er sett av i økonomiplanen til skuleformål. Justeringar mellom tiltaka blir ein del av arbeidet med økonomiplanen for 2026-2030
7. Kommunedirektøren får fullmakt til å disponere midlar mellom tiltaka ved behov for justeringar. Formannskapet og Utval for oppvekst og kultur skal haldast orientert om framgangen i prosessen i kvart møte. Formannskapet skal haldast orientert om den økonomiske situasjonen for dei ulike tiltaka

3 Opplæringslova

Denne forskrifta er heima i § 2-6, «Kva grunnskule eleven skal gå på» i opplæringslova:

§ 2-6

Elevane har rett til å gå på ein skole i nærmiljøet. Kommunen kan gi forskrift om skolekrinsar. Ved tildeling av skoleplass og fastsetjing av forskrift om skolekrinsar skal kommunen leggje særleg vekt på kva skole som ligg nærast heimen. Kommunen kan også ta omsyn til topografi, trafikktilhøve og kapasiteten på skolane, og at barn i same nabolag skal få gå på same skole.

Etter søknad kan eleven takast inn på ein annan skole enn den eleven har rett til å gå på.

4 Skular i Sunnfjord kommune

Etter vedtak i kommunestyret vil det vere 12 skular i Sunnfjord kommune etter 1.8.2026.

Skule	Lokalisering	Trinn
Bygstad skule	Bygstad	1.-7.
Førde barneskule	Sentrum, Førde	1.-7.
Førde ungdomsskule	Sentrum, Førde	8.-10.
Halbrend skule	Halbrend krins, Førde	1.-7.
Holsen skule og barnehage	Holsen	1.-7.
Naustdal skule	Sentrum, Naustdal	1.-10.
Sande skule	Sentrum, Sande	1.-10.
Skei skule	Skei	1.-10.
Slåtten skule	Slåtten krins, Førde	1.-7.
Sunde skule	Sunde	1.-7.
Vassenden skule	Vassenden	1.-10.
Viksdalen	Viksdalen	1.-10.

5 Kringsgrenser barneskular og kombinerte skular

Kringsgrense regulerer opptaksområde for den enkelte skulen, definert som nærskulen etter opplæringslova § 2-6. Tilhøyrande kringsgrenser er omtala under kvar skule. To av skulane i Sunnfjord kommune med ungdomstrinn har inntaksområde frå fleire barneskulekrinsar.

5.1 Bygstad skule

Grunnkrinsane som høyrer til Bygstad skulekrins:

- Skilbrei/Hjelmeland
- Espeland
- Bringeland
- Perhaugen
- Hjelmeland
- Lien
- Kvamme
- Bygstadhaugane
- Sveen
- Eidevik
- Kårstad
- Hestad (Dalsfjorden)
- Laukeland
- Osen
- Korsvelle
- Båtevik
- Helle
- Birkeland
- Bjørvika

5.2 Førde barneskule

Grunnkrinsane som høyrer til Førde barneskule:

- Førde sentrum/sentrum sør-vest, mot vest til og med Førde Hotell
- Hafstad
- Bruland, mot sør-aust til bom på E39 i Brulandsberget
- Toene/Presteholten
- Haugum/Hundvebakke
- Bergum/Hornnes
- Erdal

Grensa mot Slåtten skule går (til og med) Angedalsvegen 31.

5.3 Halbrend skule

Grunnkrinsane som høyrer til Halbrend skule:

- Ervik
- Kråkenes
- Ulltang
- Øvre Steinen
- Halbrend/Steinen
- Halbrendsholten
- Ytre Hafstad
- Slåttebakkane
- Reset
- Førde Sentrum, mot aust til Førde Hotell

5.4 Holsen skule

Grunnkrinsane som høyrer til Holsen skule:

- Holsen
- Haukedalen

5.5 Naustdal skule

Grunnkrinsane som høyrer til Naustdal skule:

- Kvellestad
- Vevring
- Redal
- Helle
- Frammarsvik
- Naustdal vest
- Naustdal aust
- Åse
- Horstad vest
- Horstad aust
- Ullaland nord
- Ullaland sør
- Finland

5.6 Sande skule

Grunnkrinsane som høyrer til Sande skule:

- Øvrestrand
- Hestad
- Skudal
- Senneseth
- Foss
- Grøvlebakke

- Skagen
- Steien
- Sande
- Årbergsdalen
- Øksland
- Døskeland
- Alværen
- Sygna
- Myrmel
- Lunde

5.7 Skei skule

Grunnkrinsane som høyrer til Skei skule:

- Myklebost
- Helgheim
- Fugle
- Skei
- Kjøsnesfjorden
- Førde
- Klakegg
- Veiteberg
- Åmot
- Årdal

5.8 Sunde skule

Grunnkrinsane som høyrer til Sunde skule:

- Mo/Åsen
- Sunde/Kussli
- Sundsdalen
- Bruland, mot vest til bom på E39 i Brulandsberget

5.9 Slåtten skule

Grunnkrinsane som høyrer til Slåtten skule:

- Angedal
- Furebø
- Vie
- Hjelle/Vie/Tefre
- Grovene/Flata

Grensa mot Førde barneskule i vest går ved (til og med) Angedalsvegen 14 og 33.

5.10 Vassenden skule

Grunnkrinsane som høyrer til Vassenden skule:

- Eikås
- Langhaugane
- Hjellbrekke
- Vassenden nord
- Vassenden sør
- Sanddal
- Svidal
- Ålhus

5.11 Viksdalen skule

- Øvrebotten
- Eldal/Mjell
- Viken
- Rørstad
- Rørstadbotten
- Hestebeite

6 Kringsgrenser ungdomsskular med elevar frå fleire barneskulekrinsar

6.1 Førde ungdomsskule

Førde ungdomsskule omfattar elevar på ungdomssteget frå Slåtten skule, Førde barneskule, Halbrend skule, Sunde skule og Holsen skule

6.2 Sande skule

Sande skule (ungdomstrinn) omfattar elevar på ungdomssteget frå Sande skule og Bygstad skule.

Viser til kommunestyrevedtak KST-017/25 om elevar på ungdomstrinnet frå Viksdalen skule.

7 Vedtak og rutinar for sakshandsaming

Rutinane omfattar alle born som omfattast av retten etter Opplæringsloven §§ 2-1 og 2-2, rett og plikt til grunnskuleopplæring. Rutinane har hovudvekt på alle forhold som blir regulert av Opplæringslova, kapittel 14, *Organiseringa av opplæringa og reglar for livvsynssopplæringa*; §§14-1, 14-2, 14-3 og 14-4.

Det betyr i hovudsak sakshandsamingsrutinar ved vedtak om skuleplass for nye 1. klassar, nye 8. klasse, flyttande elever ved alle trinn, handsaming av klager og søknader om skulegang ved andre skular, eller ved endring av forskrift om kringsgrenser. Rutinane skal bidra til rask, føreseieleg og likeverdig handsaming av vedtak, klager og søknadar om skuleplass for alle elever og familiar som er busett i Sunnfjord kommune og som er omfatta av Opplæringslova § 2-1.

Informasjon, tidsfristar og eventuelle skjema skal ligge tilgjengeleg på kommunen si heimeside. Føresette som ønskjer å klage på vedtak eller søke om skulegang ved andre skule enn nærskulen, skal oppleve å få god informasjon og nøytral rettleiing i framgangsmåte og argumentasjon

7.1 Ansvar

Kommunedirektøren har overordna ansvar for å følgje opp rutinane. Den einskilde rektor har delegert fullmakt, til å fatte vedtak om skuleplass for elevar med adresse innanfor eigen skulekrins. Kommunedirektøren fattar vedtak om skulebyte for elevar som søker om skuleplass ved anna skule enn nærskulen.

7.2 Arkivere informasjon

Alle søknadar med vedlegg og vedtak om skuleplass skal handsamast i Acos Websak. Skjema som blir nytta ved innskriving skal arkiverast i Acos Websak.

7.3 Første gongs vedtak om skuleplass

Alle born i Sunnfjord kommune får eit varsel om opptak til 1. klasse. Rektor har ansvar for å gå gjennom listene frå folkeregisteret registrert på den aktuelle skulen. Med utgangspunkt i registrerte elevar i krinsen, sender rektor ut førehandsvarsel/informasjon til føresette. Rektor gjennomfører innskriving etter gjeldande rutinar.

Ved overgang til 8. trinn, varslar mottakande skule føresette om overgang og inntak.

Informasjon må sendast ut i 1. kvartal i same kalenderår som skulestart.

7.4 Vedtak om skuleplass ved anna skule enn nærskulen

Det er kommunedirektøren som handsamar saker om skulegang på anna skule enn nærskulen.

Adresseendring til anna krins

Om eleven ønskjer å halde fram ved skulen ved flytting til anna krins, må føresette søkje til kommunedirektøren. Følgjande retningsliner gjeld for å innvilge slike søknadar:

- Eleven ønskjer å fullføre skuleåret.
- Eleven ønskjer å fullføre hovudsteget og har berre eitt år igjen av skuletida.

Døme: Ein elev går på 9. trinn og flyttar ut av krinsen i løpet av 9. trinn. Føresette søkjer om at eleven skal få fullføre 10. trinn. Det same gjeld for barnesteget om eleven ønskjer å fullføre 7. trinn. Slike søknader blir innvilga.

Føresette må organisere og finansiere eventuell skuleskyss.

Særlege tilhøve

Særlege tilhøve kan vere sosiale tilhøve, sårbare born, eller barn med særskilte behov. Om føresette ønskjer at barnet skal halde fram ved skulen utover reglane ved adresseendring, må føresette søke kommunedirektøren. Vedlagt søknaden må det føreligge dokumentasjon frå lege, BUP, PPT eller andre sakkunnige. Ved behov kan kommunedirektøren be om ei utgreiing frå PPT om ei slik utgreiing ikkje føreligg i saka.

I slike saker skal søknaden gå gjennom rektor, og rektor skal uttale seg om saka og kome med ei tilråding.

Føresette må organisere og finansiere eventuell skuleskyss.

Søknad om skulebyte, eller vedtak om skulebyte i skulemiljøsaker (kap.12 i Opplæringslova)

Det er rektor ved eleven sin skule som har ansvar for å løyse skulemiljøsaker. Om rektor, etter reglane i Opplæringslova kapittel 12, vurderer at eit skulebyte er eit rett tiltak i ei skulemiljøsak, fattar kommunedirektøren vedtak om byte av skule.

Slike saker skal handsamast etter reglane i Opplæringslova kap. 12.

I slike saker skal føresette ikkje dekke kostnader til skyss.

8 Klagehandsaming

Alle enkeltvedtak om skuleplass og avslag på søknader om skulegang ved anna skule har klagerett etter Opplæringslova § 29-1 innan 3 veker etter at vedtak er motteke. Kommunedirektøren handsamar eventuelle klagar på vedtak eller avslag på søknadar om skuleplass. Om kommunen står på vedtaket, vil saka bli oversendt Statsforvaltaren i Vestland som fattar endeleg vedtak etter Opplæringslova §29-1